



REPUBLIKA E SHQIPËRISË
KËSHILLI I LARTË I PROKURORISË

Nr. 1937/ Prot.

Tiranë, më 28.07.2025

VENDIM

Nr. 187, Datë 16.07.2025

“PËR PËRFUNDIMIN E PROCEDURËS SË VERIFIKIMIT TË PASURISË DHE FIGURËS SË KANDIDATIT PËR MAGJISTRAT PROKUROR, I CILI ËSHTË DIPLOMUAR NË SHKOLLËN E MAGJISTRATURËS NË VITIN AKADEMIK 2024 - 2025, Z. ROLAND PAJA”

Këshilli i Lartë i Prokurorisë, i përbërë nga:

1. Mirela BOGDANI	Kryetar
2. Erind GERMENJI	Zv/kryetar
3. Sokol STOJANI	Anëtar
4. Zeqir HODA	Anëtar (në mungesë)
5. Arta MANDRO	Anëtar
6. Ledina RIZA	Anëtar
7. Moisi DUDA	Anëtar (në mungesë)
8. Vatë STAKA	Anëtar (në mungesë)
9. Olger EMINAJ	Anëtar
10. Erind MERKURI	Anëtar
11. Erion FEJZULLA	Anëtar

në mbledhjen plenare të datës 16.07.2025, në përputhje me procedurën e përcaktuar në nenet 159-161, 164 dhe vijues të Ligjit nr. 115/2016, “Për organet e qeverisjes së sistemit të drejtësisë”, i ndryshuar dhe në nenet 18 dhe vijues, të Rregullores “Për organizimin dhe funksionimin e brendshëm të Këshillit të Lartë të Prokurorisë”, shqyrtoi çështjen me objekt:

“Për përfundimin e procedurës së verifikimit të pasurisë dhe figurës së kandidatit për magjistrat prokuror, i cili është diplomuar në Shkollën e Magjistraturës në vitin akademik 2024 - 2025, z. Roland Paja”

KËSHILLI I LARTË I PROKURORISË:

Pasi mori në shqyrtim Relacionin shoqërues nr. 1937, datë 09.07.2025, të Komisionit të Vlerësimit të Veprimtarisë Etike dhe Profesionale, pasi dëgjoji relatorin Erind Merkuri si dhe diskutimet e zhvilluara në mbledhje plenare mbi çështjen,



V Ë R E N:

1. Këshilli i Lartë i Prokurorisë (në vijim, Këshilli) garanton pavarësinë, llogaridhënien, disiplinën, statusin dhe karrierën e prokurorëve.
2. Me Vendimin Nr. 24, datë. 13.02.2025, “Për fillimin e procedurave të verifikimit të pasurisë dhe figurës për magistratë prokurorë, të cilët do të diplomohen nga Shkolla e Magjistraturës në vitin 2025”, Këshilli ka filluar procedurën administrative për verifikimin e pasurisë dhe figurës për 26 (njëzetë e gjashtë) kandidatë prokurorë të cilët do të diplomohen nga Shkolla e Magjistraturës, në vitin 2025, ndër të cilët edhe kandidati Roland Paja.
3. Me Vendimin nr.25, datë 13.02.2025, për “Hedhjen e shortit dhe caktimin e relatorit për verifikimin e pasurisë dhe figurës për 26 (njëzet e gjashtë) kandidatët për magistratë prokurorë, të cilët mund të diplomohen nga Shkolla e Magjistraturës në vitin akademik 2025”, Këshilli zhvilloi procedurën e hedhjes së shortit për caktimin e relatorit, për secilin kandidat.
4. Relatori për kandidatin Roland Paja, z. Erind Merkuri në zbatim të Pikës 1, të Seksionit A, të Kreut VI, të Rregullores, në rrugë elektronike (me e-mail) me datë 17.02.2025 ka njoftuar kandidatin për fillimin e procedurës së verifikimit, si dhe për të drejtën për të kërkuar përjashtimin e relatorit, apo ndonjë anëtar të Këshillit, në rast të ekzistencës së një situatë konflikti interesi.
5. Në përgjigje, me e-mail-in e datës 17.02.2025, kandidati Roland Paja ka konfirmuar marrjen e e-mail-it të mësipërm, si dhe faktin që nuk ndodhet në situatën e konfliktit të interesit me Relatorin.
6. Në datë 21.05.2025, Relatori i ka dërguar me e-mail kandidatit formularët përkatës dhe autorizimin, me qëllim verifikimin nga ana e Këshillit, të të dhënave që lidhen me pasurinë dhe figurën.
7. Në datë 25.02.2025, kandidati Roland Paja ka depozituar në protokollin e Këshillit të dokumentet, si më poshtë vijon:
 - i. Autorizimi për Këshillit të Lartë të Prokurorisë me qëllim sigurimin dhe verifikimin e të dhënave personale;
 - ii. Deklaratë me të dhënat mbi adresën postare, adresën elektronike dhe kontaktet telefonike për njoftim gjatë kësaj procedure;
 - iii. Deklaratë mbi papajtueshmërinë me funksionin e magistratit për shkak të anëtarësisë në parti politike;
 - iv. Deklaratë Individuale që kandidati nuk është bashkëpunëtor, informator ose agjent i shërbimeve sekrete;
 - v. Formular Vetëdeklarimi për zbatimin e Ligjit 138/2015 “Për garantimin e integritetit të personave që zgjidhen, emërohen ose ushtrojnë funksione publike”;

8. Në mbështetje të nenit 35, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë”, i ndryshuar, gurmës “b”, të Kreut II, dhe Seksionit B, të Kreut VI, të Rregullores, Relatori ka ndjekur veprimet procedurale për verifikimin e pasurisë dhe figurës të kandidatit Z. Roland Paja.
9. Pas verifikimeve paraprake dhe përgjigjeve të ardhura nga institucionet përgjegjëse shtetërore, Relatori ka paraqitur Relacionin me gjetjet paraprake për kandidatin për t’u emëruar magjistrat, profili Prokuror, Roland Paja.

A. VERIFIKIMI I PASURISË SË KANDIDATIT

10. Me shkresën Nr.353 prot., datë 13.03.2025, Këshilli i është drejtuar Inspektoratit të Lartë të Deklarimit dhe Kontrollit të Pasurive dhe Konfliktit të Interesave (ILDKPKI), për njoftimin për verifikimin e pasurisë për kandidatin për magjistrat, i cili do të diplomohet në Shkollën e Magjistraturës në vitin 2025.
11. Me shkresën Nr.539 prot., datë 06.03.2025, Këshilli i është drejtuar ILDKPKI për verifikimin e pasurisë për kandidatin për magjistrat, i cili do të diplomohet në Shkollën e Magjistraturës në vitin 2025.
12. Nga ana e këtij institucioni, është kthyer përgjigje me shkresën Nr. 81/23 prot., datë 12.06.2025. ILDKPKI ka paraqitur aktin e përfundimit të kontrollit të plotë të Deklaratës së pasurisë dhe interesave private të kandidatit për pozicione të ndryshme në sistemin e drejtësisë, për kandidatin për magjistrat, i cili do të diplomohet në Shkollën e Magjistraturës, z. Roland Paja.
13. Në këtë akt përfundimtar për subjektin deklarues z. Roland Paja theksohet, se: nga ILDKPKI është dërguar pranë Këshillit, Aktin e kontrollit të plotë për Deklaratën e Pasurisë dhe Interesave Private të kandidatit për pozicione të ndryshme në institucionet e sistemit të drejtësisë për **Formimin Fillestar në Shkollën e Magjistraturës** Nr. 766/25 prot., datë 30.09.2022.

Ky Akt-Kontrolli përfshin periudhën deri në datë 26.06.2022.
14. Në datë 09 .03.2025, Roland Paja ka dorëzuar pranë ILDKPKI, Deklaratën e Pasurisë dhe Interesave Private të kandidatit për pozicione të ndryshme në institucionet e sistemit të drejtësisë/ **që kandidon për t’u emëruar Magjistrat, profili Prokuror.**
15. Për kryerjen e kontrollit të plotë të kësaj deklarate, ILDKPKI ka krahasuar Deklaratën e Pasurisë dhe Interesave Private të kandidatit për pozicione të ndryshme në institucionet e drejtësisë dhe dokumentacionin justifikues bankar dhe jo-bankar, të dorëzuar nga vetë kandidati, me të dhënat e kërkuara me anë të korrespondencës së tyre, me nr. 81 prot., datë 11.03.2025, pranë institucioneve të ndryshme. **Ky kontroll është kryer për periudhën 27.06.2022-09.03.2025.**

16. Në përfundim të veprimeve verifikuese të kryera në përputhje me Ligjin nr. 9049, datë 10.04.2003 “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publik”, i ndryshuar, Ligjin nr. 9367, datë 07.04.2005, “Për parandalimin e konfliktit të interesave në ushtrimin e funksioneve publike”, i ndryshuar, si dhe Ligjin nr. 96/2016, “Për statusin e gjyqtarëve dhe prokurorëve në Republikën e Shqipërisë”, i ndryshuar, është konstatuar, se për kandidatin Roland Paja:

- a) deklarimi është i saktë në përputhje me ligjin;
- b) ka burime financiare të ligjshme për të justifikuar pasurinë;
- c) nuk ka kryer fshehje të pasurisë;
- ç) nuk ka kryer deklarim të rremë;
- d) nuk gjendet në situatën e konfliktit të interesave.

17. Në përgjigje të kërkesës së Këshillit, Agjencia e Inteligjencës Financiare me shkresën e datës 02.04.2025, informon, se: ***“Pas kerkimeve në sistemin elektronik, për kandidatin Roland Paja nuk disponohen raportime.***

18. Në përgjigje të kërkesës së Këshillit, Drejtoria e Përgjithshme e Tatimeve me shkresën Nr. 443/1 prot., datë 26.03.2025, ka kthyer përgjigje se: **Shtetasi Roland Paja nuk figuron i regjistruar në organet tatimore për ushtrim të ndonjë aktiviteti privat.**

19. Në përgjigje të kërkesës së Këshillit, Drejtoria e Përgjithshme e Doganave me shkresën Nr. 5232/1, datë 25.03.2025 ka informuar, se: nga verifikimet e kryera në sistemin elektronik të administrimit të të dhënave “Asycuda World” **rezulton, se shtetasi Roland Paja nuk ka kryer asnjë procedurë doganore.**

Sa lidhet me informacionin për para CASH, çek apo metale a sende të çmuara në pikat e kalimit kufitar doganor, nuk rezulton të ketë kryer veprime të tilla, për periudhën mars 2004 - mars 2025.

20. Në përgjigje të kërkesës së Këshillit, me shkresën Nr. 3119 prot., datë 19.03.2025 të ISSH, është dërguar informacion më të dhënat e nxjerra nga sistemi informatikë i ISSH, i cili disponon të dhëna për kontributet, të cilat mblidhen dhe dërgohen nga Drejtoria e Përgjithshme e Tatimeve nëpërmjet Web-service, sipas formularit bashkëlidhur të dërguar. Sipas këtij formulari rezulton, se: **“Për shtetasin Roland Paja janë paguar rregullisht pagat dhe kontributet e sigurimeve shoqërore, nga viti 2012 deri më shtator 2022”.**

21. Në përgjigje të kërkesës së Këshillit, Qendra Kombëtare e Biznesit me shkresën Nr. 5116/1 prot., datë 13.03.2025 ka informuar, se: **shtetasi Roland Paja figuron i regjistruar si person fizik me emër Roland Paja, pajisur me NUIS (NIPT), L88318301A. Statusi i subjektit është “Çregjistruar”.**

22. Nga përgjigjet e ardhura nga këto institucione arrijmë në përfundimin, se: ka rezultuar përputhshmëri mes deklarimeve të kandidatit të kontrolluar, Aktit të përgatitur nga ILDKPKI-ja, si dhe përgjigjeve të ardhura nga institucionet e mësipërme. Në këtë mënyrë, është konkluduar, se nuk ka nevojë të kryhet një hetim më i thelluar, se ai i kryer nga ILDKPKI.

B. VERIFIKIMI I FIGURËS SË KANDIDATIT

23. Mbi bazën e Formularit të vetë-deklarimit për zbatimin e Ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", kandidati Roland Paja deklaroi, se:

- nuk ka qenë i dënuar ndonjëherë me vendim gjyqësor të formës së prerë nga ndonjë autoritet gjyqësor shqiptar ose i huaj;
- nuk është i dënuar me burgim me vendim gjyqësor jo-përfundimtar nga një autoritet gjyqësor shqiptar ose i huaj, për një çështje penale të pazgjidhur me vendim gjyqësor të formës së prerë;
- nuk ka qenë ndonjëherë nën hetim ose gjykim nga një autoritet i huaj për kryerjen e një veprë penale;
- nuk ka qenë i ndaluar apo arrestuar nga organet ligj-zbatuese, për kryerjen e një veprë penale;
- nuk është caktuar ndaj tij ndonjëherë masë shtrënguese e sigurisë personale, në fuqi ose jo;
- nuk është lëshuar ndonjëherë ndaj tij një urdhër kërkimi ndërkombëtar, lidhur me kryerjen e veprave penale;
- nuk është marrë ndaj tij masa e dëbimit nga një shtet i huaj;
- nuk ka jetuar jashtë territorit të Republikës së Shqipërisë për më shumë se 1 (një) muaj.

24. Në përgjigje të kërkesës së Këshillit, me shkresën Nr. 394/3, datë 20.03.2025, Prokuroria e Përgjithshme informon, si më poshtë:

Nga verifikimet në Sekretarinë Sekrete në zyrën e arkiv protokollit në Prokurorinë e Përgjithshme rezultoi, se: **Nga verifikimet në sektorin e Burimeve Njerëzore, Marrëdhëniet me Publikun dhe Arkivit Sekret, rezultoi se nuk ka çështje penale, kallëzim apo ankesë ndaj tij.**

25. Në përgjigje të kërkesës së Këshillit, Prokuroria e Posaçme kundër Korrupsionit dhe Krimit të Organizuar me shkresën Nr.9827, datë 20.03.2025, informon, se: **pas verifikimeve të kryera në regjistrin e njoftimit të veprave penale të këtij prokurorie, nuk rezulton të jetë regjistruar ndonjë procedim penal në emër të shtetasit Roland Paja, nga data 26.06.2022 deri aktualisht.**

26. Në përgjigje të kërkesës së Këshillit, Prokuroritë pranë Gjykatave të Shkallës së Parë të Juridiksionit të Përgjithshëm: Berat, Gjirokastrë, Dibër, Tiranë, Durrës, Korçë, Fier, Vlorë, Shkodër, Lezhë, Kukës, Sarandë, Elbasan, informojnë, se: **"Për shtetasin Roland Paja nuk disponojnë të dhëna, apo indicie të ardhura nga agjencitë ligj-zbatuese, të dhëna për kontakte me persona të papërshtatshëm apo materiale**

 **kallëzuese të mosfilluara, procedime penale të pushuara, pezulluara apo të dërguara për gjykim”.**

27. Në përgjigje të kërkesës së Këshillit, me shkresën Nr. 1051, datë 01.04.2025, Gjykata e Posaçme e Shkallës së Parë për Korrupsionin dhe Krimin e Organizuar konfirmon, se pas verifikimeve të kryera në regjistrat përkatës nga sekretaria gjyqësore, **rezulton se në lidhje me shtetasin Roland Paja nuk rezulton të ketë proces gjyqësor penal pranë Gjykatës së Posaçme të Shkallës së Parë për Korrupsionin dhe Krimin e Organizuar, si dhe kjo gjykatë nuk ka dhënë vendim penal për këtë kandidat.**
28. Në përgjigje të kërkesës së Këshillit, Gjykata e Posaçme e Apelit për Korrupsionin dhe Krimin e Organizuar me shkresën Nr. 463/1 datë 17.03.2025 konfirmon, se pas verifikimeve të kryera në regjistrat që disponojnë, në lidhje me shtetasin **Roland Paja nuk rezulton të ketë marrë cilësinë e personit nën hetim në një procedim penal.** Ndaj tij nuk është marrë vendim për të zbatuar/revokuar/shuar një masë sigurimi me karakter personal ose pasuror. Nuk ka të dhëna për procedime penale të mosfilluara, të pushuara apo të pezulluara, vendime dënime apo pafajësie në të cilat përmendet emri i kandidatit në proces verifikimi.
29. Në përgjigje të kërkesës së Këshillit, Gjykata e Apelit të Juridiksionit të Përgjithshëm me shkresën Nr. 5676/1 datë 13.03.2025 informon, se pas verifikimeve të kryera në Sistemin e Menaxhimit të Çështjeve Gjyqësore (ICMIS) në lidhje me shtetasin **Roland Paja, nuk rezulton të ketë pasur apo të ketë çështje penale, urdhër mbrojtje ose urdhër mbrojtje të menjëhershëm.**
30. Në përgjigje të kërkesës së Këshillit, Gjykatat pranë Shkallës së Parë të Juridiksionit të Përgjithshëm; Berat, Gjirokastrë, Dibër, Tiranë, Durrës, Korçë, Fier, Vlorë, Shkodër, Lezhë, Kukës, Sarandë, Elbasan, informojnë, se **për shtetasin Roland Paja nuk rezulton të ketë pasur apo të ketë në ngarkim të tij çështje penale, urdhër mbrojtje ose urdhër mbrojtje të menjëhershëm.**

Raportimi nga organet e specializuara

31. Gjatë procedurës së verifikimit të figurës për kandidatin Roland Paja iu kërkuar informacion shërbimeve informative shtetërore, si: Shërbimi Informativ Shtetëror, Agjencia e Mbikëqyrjes Policore dhe Agjencia e Inteligjencës dhe Sigurisë së Mbrojtjes.
32. Shërbimi Informativ Shtetëror, Agjencia e Mbikëqyrjes Policore dhe Agjencia e Inteligjencës dhe Sigurisë së Mbrojtjes, kanë kthyer përgjigje me shkresat përkatëse të klasifikuara, ku është konstatuar se gjatë procedurës së verifikimit të figurës për kandidatin Roland Paja:

- *Nuk disponohen të dhëna për përfshirje në veprimtari të kundërligjshme;*
- *Nuk ka të dhëna për veprimtari kriminale apo të ketë lidhje/kontakte të papërshtatshme me persona të përfshirë në krimin e organizuar;*

- Nuk disponohen të dhëna/informacione për përfshirjen e tij në veprimtari që cenojnë sigurinë kombëtare apo aktivitete të kundërligjshme.

33. Në përgjigje të kërkesës së Këshillit, Autoriteti Kombëtar për Sigurinë e Informacionit të Klasifikuar me Shkresën nr. 2128 prot, datë 15.04.2025, ka informuar, se: **“Nuk disponohen të dhëna për përfshirjen e z. Roland Paja në veprimtari që cenojnë sigurinë kombëtare apo aktivitete të kundërligjshme”.**
34. Në përgjigje të kërkesës së Këshillit, Byroja Kombëtare e Hetimit me shkresën Nr. 404/1 prot, datë 28.03.2025, ka informuar, se: **“Nuk disponohen informacion dhe të dhëna për kandidatin Roland Paja”.**
35. Në përgjigje të kërkesës së Këshillit, Shkolla e Magjistraturës me shkresën Nr. 371/11 prot., datë 18.03.2025, informon se: **“Kandidati Roland Paja nuk ka masë disiplinore në fuqi dhe ndaj tij nuk ka ndonjë proces disiplinor”.**
36. Për shkak të datëlindjes së kandidatit, Këshilli nuk i është drejtuar me shkresë Autoritetit për Informimin mbi Dokumentet e ish-Sigurimit të Shtetit, pasi kandidati nuk është subjekt verifikimi, sipas përcaktimeve të Ligjit nr. 45/2015 “Për të drejtën e Informimit për Dokumentet e ish-Sigurimit të Shtetit të Republikës Popullore Socialiste të Shqipërisë”, i ndryshuar.
37. Përsa më sipër rezulton se, nga përgjigjet e ardhura nga institucionet e sipërcituara rezulton se, për kandidaten Roland Paja **nuk disponohen të dhëna dhe informacione për përfshirje në veprimtari që cenojnë sigurinë kombëtare apo aktivitete të kundërligjshme.**
38. Referuar Deklaratës, datë 25.02.2025, mbi papajtueshmërinë me funksionin e magjistratit për shkak të anëtarësisë në parti politike, kandidati Roland Paja ka deklaruar se: nuk është anëtar në ndonjë parti politike, pasi kjo përbën shkak papajtueshmërie me funksionin e magjistratit. Kjo deklaratë është lëshuar me përgjegjësi ligjore sipas nenit 6, të Ligjit nr. 96/2016, “Për statusin e gjyqtarëve dhe prokurorëve në Republikën e Shqipërisë”, i ndryshuar.
- Sipas Deklaratës Individuale datë 25.02.2025, kandidati ka deklaruar, përkundrejt përgjegjësisë ligjore që nuk është bashkëpunëtor, informator ose agent i shërbimeve sekrete.
39. Përsa më sipër, Këshilli vlerëson të përfunduar procedurën e verifikimit të pasurisë dhe figurës së kandidatit për magjistrat prokuror, i cili është diplomuar në Shkollën e Magjistraturës në vitin akademik 2024-2025, z. Roland Paja.

PËR KËTO ARSYE:

Mbështetur në nenin 149/a, pika 1, germa “a”, të Kushtetutës, në nenet 32 dhe 35, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar,

në nenet 159 dhe 189 pika 1, germa "a", të Ligjit nr. 115/2016 "Për organet e qeverisjes së sistemit të drejtësisë", i ndryshuar, në Vendimin nr. 171, datë 29.09.2019, "Për miratimin e "Rregullores për procedurën e verifikimit të kushteve dhe kriterëve ligjore për rekrutimin, emërimin si magjistrat dhe caktimin në pozicion të kandidatëve për prokurorë, si dhe zhvillimin e karrierës së prokurorëve", e ndryshuar, me propozim të Komisionit të Vlerësimit të Veprimtarisë Etike dhe Profesionale sipas Relacionit nr. 1937, datë 09.07.2025, Këshilli i Lartë i Prokurorisë,

V E N D O S I:

1. Të vlerësojë të përfunduar procedurën e verifikimit të pasurisë dhe figurës të kandidatit për magjistrat prokuror, i cili është diplomuar në Shkollën e Magjistraturës në vitin akademik 2024-2025, z. Roland Paja.
2. Lejimin e kandidatit Roland Paja, të vijojë me procedurat e mëtejshme për emërimin e tij si prokuror.
3. Të njoftohet për këtë vendim Shkolla e Magjistraturës dhe z. Roland Paja.
4. Ky vendim hyn në fuqi menjëherë dhe publikohet në faqen zyrtare të internetit të Këshillit.

U shpall në Tiranë, sot më 16.07.2025.


KRYETAR
Mirela Bogdani

ANËTAR
Sokol Stojani

ANËTAR
Olger Eminaj

ANËTAR
Arta Mandro

ANËTAR
Erind Merkuri

ZV/KRYETAR
Erind Germenji

ANËTAR
Ledina Riza

ANËTAR
Erion Fejzulla